

NIUKI YAKI MAYETEWI

Niuki ke mireyunitsa IEPC-ACG-057/2023 hetsiena Niuki ni'ari ya mitiuyunakitsitia kimana ya mitikakiniti 'ukári 'ukítsi yaxeikia memiyupapaimeni, hepaina, ya mitiyini weri'aneikia memiyuxeiya memaye'eriwa 'iitsikate memakineki memiyuti'utiani miki tsiri 'eena hura 'iitsikate memitihiawarienitsie 2023-2024

MATIARI KE MITIUYI

NIUKI MUUYINI KIEKATAARI WAHEIMA NUNUWAME JDC-036/2020 TSIERE MIYUKUXEIRI TSIERE, JDC-037/ 2020

Tuukari 24 diciembre metseri 2020 wiyaritsie, miyane Tribunal Electoral de Jalisco pitiuta'ai 'iitsikate hiawiyari metá Kiekataari Teparewiwaamete Karitsikutaari Kiyari (Instituto Electoral y de Participación Ciudadana de Jalisco) hetsia kename miki titixeyaxianiekai metá 'aixi hekiyineme niuki tixewiriyakekai teitéri matitari kiekataari wahetsie mieme ya pitikakeniekai 'iitsikate wahiawiyari 2020-2021 heutipareyu, waiká matsi pitixata ke mihate memayuka'utiani metá memiyuti'iniata memakine candidatos Congreso local hetsie, tsiere, munitsipiyupa hakewa mirekunanakitsitiwa makamie 'Eena hura 'iitsikate Wahiawiyari (Proceso Electoral Local Concurrente)

22 tuukari febrero metseri 2021 wiyaritsie, miyane Tribunal Electoral de Jalisco pitiuta'ai 'iitsikate hiawiyari metá Kiekataari Teparewiwaamete Karitsikutaari Kiyari (Instituto Electoral y de Participación Ciudadana de Jalisco) hetsia kename miki titixeyaxianiekai metá 'aixi hekiyineme niuki tixewiriyakekai teitéri kiekataari LGBTTIQ+ hetsie memitehawiya wahetsie mieme tsiere teitéri 'aixi memikatehekuwewere wahetsie mieme makamietsie 'eena hura 'iitsikate wahiawiyari, waiká matsi pitixata ke mihate memayuka'utiani metá memiyuti'iniata candidaturas para el Congreso tsiere ayuntamientos Karitsiku kwieyaritsie, hekiapa yiwekaku.

YA MITIUYUNAKITSITIA 'UUXIMAYÁTSIKA KE MITIYUWENA KIMANA MIYUTAWEWIENI NIUKI NI'ARI 'UKÁRI 'UKÍTSI YAXEIKIA MEMIYUPAPAIMENI HEPAINA PAREKU MITIKAKINITI

Tuukari 27 mayo metseri 2022 wiyaritsie, Naimetsie Tixaxataame (Consejo General), niuki ke mireyunitsa **IEPC-ACG-032/2022** putanaki'éeri hetsiena manayuyetua 'Uuximayátsika Ke Mitiyuwena kimana miyutawewieni niuki ni'ari 'ukári 'ukítsi yaxeikia memiyupaimeni hepaina pareku mitikakiniti makamietsie 'iitsikate wahiawiyari, maana mi, payutinetia 'uuximayátsika metá 'iiwauritiarika reutanakemeki 'ukári 'ukítsi wahekiatsika metá kehate tuukari miwatimie memiwatinanaimariexime.

2023 wiyaritsíe, payutinetia 14 paimeti mayiitari 'iiaurika teitéri 'aixi memikatehekuwewere wahetsíe mieme ya tiuyi 14 munitsipiyupa, tsiere, payutinetia 9 paimeti mayiitari 'iiaurika teitéri matiari kiekataari wahetsíe mieme.

MUYUTIPATAXI CÓDIGO ELECTORAL 'ITARIKAYARI KARITSIKU KWIEYARITSÍE MIEME

Tuukari 20 mayo metseri 2023 wiyaritsíe, puyuhekiataxi Periódico Oficial "El Estado de Jalisco" hetsíe decreto número **29185/LXIII/23**, hetsiena miyupataxi 'aritikuru 214 Código hetsíe mayemie miiki tsi ya pituiyi tuukari yupatamiti ke pauka manayuyetuaní 'inierika 'eena hura 'iitsikate wahiauiyari (Proceso Electoral Local).

Tuukari 6 julio metseri 2023 wiyaritsíe, panuyuyetua decreto número **29217/LXIII/23**, maana miyukupata miireti 'aritikurute Código hetsíe mayehú, tatsiari mirayexeiya 'ukári 'ukítsi yaxeikia meyupapaiti wahetsíe memiyuti'iniata candidaturas hetsíe timieme 'eena Karitsiku kwieyaritsíe. 'Imatiriekari, 20 tuukari julio metseri yaxeikia tiwiitaaritsíe, decreto 29235/LXIII/23 hetsíe puyupataxi miireti 'aritikurute miwarayexeyatika teitéri memiwatinanaimariexime: teitéri matiari kiekataari, teitéri LGBTTIQ+ memitehawiya, teitéri 'aixi memikatehekuwewere metá teitéri karitsikutaari 'anutaiye kwieyaritsíe memutetika.

NAIMETSÍE TIXAXATAAME PAI PITIU'IWAWU KENAME 'IIKI RAYUYEXEIYANI:

'UUXIMAYÁTSIKA KE MITIYUWENA KIMANA MIYUTAWEWIENI NIUKI NÍ'ARI 'UKÁRI 'UKÍTSI YAXEIKIA MEMIYUPAPAIMENI HEPAINA PAREKU MITIKAHURITINI

'Iitsikame niukieya 'itarikayari muyupaxi mitikuxata kename 'ukári 'ukítsi yaxeikia meyupapaimeti menaki'eriwani hepaina pareku mitikahuritini miiki mitanaki'eri 'eena hura miwe legislador, maana tiuyi puyupataxi 'itirika niuki mutetiati ya pituiyi memikuwimariékaki 'ukári kehate memeuyu'iniataku kiekaripa 'iitsikate wahiauiyari matinexianitsíe, maana tsiere mepeuyehatarié kehate memiwatitimariexime 'iitsikate niukiyaritsíe, 'aana tsiere pituiyi mitiuyupataxi miireti xatsika kimana pirayuye'atia tita mireuyewekai 'Uuximayátsika Ke Mitiyuwena kimana miyutawewieni Niuki Ní'ari 'Ukári 'Ukítsi yaxeikia meyupapaiti hepaina pareku mitikahuritini makametsíe 'Eena hurawa 'iitsikate Hiauiyari 2023-2024, 'iiki tsi pi reyuku'iyariti pituiyi kename niuki yutiwena hetsiena mema'ériwani 'ukári wamayitari metá tsiere yunaiti kehate hikia mireukayune memiwatitimariexime, 'apita pareku mitikahuritini 'iitsikame niuki 'itarikayari hetsíe tikawiriti mitiuyutixei Código Electoral del Estado de Jalisco, mutateriwarie.

'IITSIKAME NIUKIEYA 'ITARIKAYARI MUYUPAXI CÓDIGO ELECTORAL DEL ESTADO DE JALISCO MIRAYEXEIIYA KENAME 'UKÁRI 'UKÍTSI YAXEIKIA MEYUPAPAIMETI MENAKI'ERIWANI

Código Electoral del Estado de Jalisco 'uyutaxeiyaka mitiuyutipataxi miki pai pituyuxewiriyaxi kename munitsipiyu manumanetika miki yutamuinaxiani tiyuteriwametsie bloques de población, miki piwaxata matiari 20 munitsipiyu memanuyetei yukwieyaritsie yimiireme teitéri memiwatiyaatsaki tsiere munitsipiyute piyutamuinaxiani tiyuteriwametsie bloques de competitividad, piwaxata naiti hipati munitsipiyute mumanetika maana mitiyu'iniatati ke paimeme votos muyu'axixia waru'aiki 'iitsikate wahawiyari mutixuawerixitsie. Xexuiti bloques mitiuyuteriwa, miki rayexeyatika yaxekia mete'iniarikaiti 'ukári 'ukítsi memiki'iarikeni pitiyuta'iwiyatire kataku 'ukári me'utanaki'eriwaki hakewa xekia munitsipiyu yaki paimeti votos manuyunanaketsie tsiere tiyuta'iwiyati memanuti'uitiariwaniki tsikere 50% me'iniariti 'ukári naitsarie candidaturas 'etsitarutsie.

KE MIRA'EERITI KENAME KE TI'ANENI WERI MEMITEWATIXEYARIEXIME YA MEMIWATINANAIMARIEXIME 'AIXI TIWAHEPATISITA 'AANA'I 'IITSIKATE MEMITHIAWARIENITSIE KARITSIKUPA

A. Teitéri 'ukári

Naitsarie munitsipiyu metá distritos manu'utikatsie hakewa meyuti'uitiani candidaturas, maana mi pirayuye'atiani ke mayetaine keneme 'ukári 'ukítsi ya xekia meyupapaimeti menaki'eriwani tatsiari tinaimetsie hiawiyari mayutinetiani: presidencias municipales, sindicaturas, regidurías, miki matiari memi'ú metá wa warita memaku'ú; tsiere, diputaciones mayehuuta xewiti por mayoría relativa (yikimana votos mikixexeiriwa), xewiti ri ta representación proporcional (yupartidos hetsie votos mema'í'iiwa), miki ri matiari memiti'uniki (propietarios) ya wawarita memaku'uuni (suplentes).

Paina tsiere, Yunaiti 'iitsikáte Hiawiyari Kiyari (Instituto Electoral), yuniuki ni'ari mutixewiriyaxitsie, pirakatetia ke miti'aneni bloque poblacional hetsie metá bloques de competitividad tiwaapati 'ukári xekia memikayu'uitiatiweniki munitsipiyupa hakewa yaki paimeti votos meyukuxexeiriwa metá yaki mitikekariya hetsie 'enna 'etsitaru.

B. Teitéri matiari kiekataari

Munitsipiyu hakewa teitéri matiari kiekataari matsi mememiireni, maana mi piyutakeni tsikere xewiti yumayitaritsie teitéri matiari kiekataari waraye'uitiati, miki tsiri miyuta'iiwa presidencia municipal 'uunieti.

Naitsarie munitsipiyu memiyuti'uitiani 'iitsikateki memithiawarieni maana yumayitaritsie memiwakuxeirietika kehate wahamatia memiteta'uuximayáta, pirayu'iiwawa memiwaraye'uitiaka teitéri matiari kiekataari tsikere me'iniarikame ke yipaimeti 'iitsikame 'itiarikayatsie mayu'iiwawa. Ya pitiyini tiyuti'iniatame, tiyutixeyame ke yipaimeti matiari

kiekataari maana munitsipiyu memitaama. Matiari kiekataari mepiyiwawe memite'uta'unieni matiari memiti'uniki ya wawarita memaku'uuni.

Hepaina ta, tsikere xewiti tewi matiari kiekame paka'úka taamamata meyipaimeti memaka'uxa hetsié memiyuti'iniataki diputaciones de representación proporcional hetsié, miki ri mixata kename wapartido hetsié yemeki tivotarowatini, tsiere ta piyiweni xewiti matiari kiekame miyuta'iniata diputación de mayoría relativa, tatsiari kename yemeki hetsiéna tivotarowatini.

C. Kiekari LGBTTTIQ+:

Pepiyuta'iniata tsikere keyipaimeti memitenakitsitiaka teitéri LGBTTTIQ+ memitehawiya, miki pireyutimani 'iniaritsie tiyutixeyame naiti 'etsitarutsié ke meyipaimeti mepitehawiya kiekari LGBTTTIQ+ hetsié, tatsiari 6 munitsipiyu heuta'iniarimeki.

Tsikere xewiti LGBTTTIQ+ hetsié rawiyati payemieni tamaamata meyipaimeti memaka'uxá hetsié miki memiyuta'iwwaki diputaciones de representación proporcional, tsiere ta piyiweni miyuta'iniata diputación de mayoría relativa.

D. Heiyemeki 'aixi memikatehekuwere

Pepiyuta'iniata tsikere keyipaimeti memitenakitsitiaka teitéri heiyemeki 'aixi memikatehekuwere, miki pireyutimani 'iniaritsie tiyutixeyame naime 'etsitaru ke meyipaimeti mepitaama teitéri heiyemeki 'aixi memikatehekuwere, tatsiari 19 munitsipiyu heuta'iniarimeki.

Tsikere xewiti tewi heiyemeki 'aixi mikarekuwere payemieni tamaamata meyipaimeti memaka'uxá hetsié miki memiyuta'iwwaki diputaciones de representación proporcional, tsiere ta piyiweni miyuta'iniata diputación de mayoría relativa.

E. Karitsikutaari tewapai kayukwie hetsié memutetika

Tsikere xewiti tewi karitsikutaanaka tewapai kayukwie hetsie 'ukaiti piyutakeni candidaturas a diputaciones de representación proporcional, miki paka'úka taamatama watsata.

F. Teitéri Teemari metá 'limarixi

Pitiyutirikariyati, naitsarie munitsipiyutsié memetinexiani yu'iwaamete memitihawarieniki miki yunaiti yumayitaritsié mepiwayaye'uitiatikani ya

meyupapaimeme teemari metá 'iimarixi, miki mepixatsiwa 18-35 wiitaari memihitika.

Xapa meyuxeiyantsié, tsikere xewiti teemaiki ya 'iimari payemieni tamaamata meyipaimeti memaka'uxá hetsié miki memiyuta'iiwaki diputaciones de representación proporcional, tsiere ta piyiweni miyuta'iniata diputación de mayoría relativa.

'liki naiti yapireyukupine kimana meminiitiarieka parekumeki memiwimarieka kehate memiwatitimaiyarixime ya memiwatinanaimariexime, rayumaiti ke mete'iniariti Karitsiku mepitaama metá teekemeki ke mete'uka'iyaarita. Paina tsiere, waiká pitiyu'uuné mitiyu'enieka kiekataari yikimana ke titamexi memite'ayuyeitiwatika, 'apaita ya piraine memiyu'uitiatiwe 'iwarikatsié teitéri kehate ni 'ukári ni 'ukítsi memika'ayuyeitiwatika. Waiká payumatiwani, kename ya'i xapa 'iitsikame niuki ni'arieya ya tiyukuwewiwa yunaitimeti mema'eriwaniki pi reyukwewieti kename reumieti ta tiyu'iniata ke 'akú tihuuriti.

NIUKITE KE MIREYUNITIKA

MATARI. Piyutanaki'eri *Niuki n'ari ya mitiuyunakitsitia kimana ya mitikakinit' 'ukári 'ukítsi yaxeiká memiyupapaimeni, hepaina, ya mitiyini weri'aneiká memiyuxeiya memaye'eriwa 'iitsikate memitihawarienitsié 2023-2024, 'Etsitaru Karitsiku.*

HUUTARIEKA

Piyutanaki'eri xapate anexos estadísticos miya partidos políticos wapiinite rayuka'itiaka metá yatiuyutanaki'erieku kuruxipa 'iitsikáte hiawiyari mirayexeiya hixie.

HAIRIEKA.

Peuyutiparitia metá piranuyutinakitsitia naiti mirayutinetiaxia mayiitari 'Uuximayátsika Ke Mitiyuwena kimana miyutawewi Niuki ni'ari 'ukári 'ukítsi yaxeiká memiyupapaimeni metá 'aixi mitikahuritini (Lineamientos de paridad de género y acciones afirmativas)

NAURIEKA 'ATAHUUTA 'UTI'ATI.

Pini'ari mahekiatsiwaniki 'iiki niukite ke mireyunitika metá ni'ari miyuti'itia braille ki lengua de señas heki, hepaina wixárikaki metá náhuatl, piyutani'awani piyukehiatani naitarie makinete niuki tuayameta metá naimetsié ke pai miyiweni.